



**Claudii Fleurii Abbatis Historia Ecclesiastica**

Ab anno Christi 1508. usque ad annum 1513

**Fleury, Claude**

**August. Vind. [u.a.], 1769**

**VD18 90118456**

§. 69. Fœdus Gallos inter & Venetos firmatum.

---

[urn:nbn:de:hbz:466:1-66433](#)

Sæc. XVI.  
A.C. 1513.

firma, imo & periculosa videbatur. Denique Veneti non ita pridem cum Ludovico XIII. foedus inibant, proin Papa, nisi Gallis accederet, se eorum ope frustratumiri cernebat. Hæc anxia secum consilia agitabat Pontifex.

§. LXIX.

*Fœdus Gallos inter & Venetos firmatum.*

Mortuo Julio Pontifice, Venetorum Respublica cum Gallis fœdus fir-mabat; quippe Andreas Grittus, & Bartholomæus Livianus a Gallis dimissi recuperatæ libertatis suæ beneficium grato animo testari studebant, ac propterea Regi Christianissimo sua devovebant obsequia, moxque Regem inter & Rempublicam pacem conciliare nitebantur, ut hoc pasto Cæsaris consilia everterent, simulque Gallorum commoda promoverent. Obstabant unice Cremonenses, ceteræque urbes ad Abdus fluminis oram sitæ, quæ ex fœderis legibus Mediolanensi Ducatu accrescere deberent, quamvis huic conjunctioni Veneti vehementer oblectarentur; ast denum & ipsi, Gritto auctore, huic articulo, qui unicum reconciliationis obstaculum erat, cedebant, ut eo facto Grittus plene votis damnatus esset; Veneti enim juribus suis in Cremonensem

sem ditionem, & Abduæ litora renun- Sæcul. XVI.  
 ciarunt, Senatu etiam annuente, ut Lu- A.C. 1513.  
 dovicus hæreditarium Avi sui imperium  
 amplis, iisdemque finibus, prout  
 illud olim Vicecomites possederant, ex-  
 tensum recuperaret, ea tamen lege, ut  
 recepto Ducatu mox copias suas Venetis  
 jungeret, & sic ditiones mari vicinæ ad  
 eundem, in quo ante Cameracense fœdus  
 erant, statum reducerentur.

## §. LXX.

*Fœderis Articuli.*

Fœderis hujus articuli sequentia com-  
 plectebantur capita, vi quorum I.  
 Cuncta Venetis erepta restituantur, ei-  
 demque Reipublicæ omnia, quæ ante  
 belli auspicia possederat, integre reddan-  
 tur, excepta Cremona, & Abduæ urbi-  
 bus, quæ Gallis relictae Mediolanensi Du-  
 catui, a quo distrahebantur, denuo jun-  
 gantur. II. Cum Bellum sat cruentum  
 instaret, quo Galli Mediolani Ducatum,  
 & Veneti urbes sibi eretas recuperarent,  
 ad augendas belli vires Respublica octin-  
 gentos Lancearios, mille equites leviter  
 armatos, peditumque decem millia, du-  
 ctore Bartholomæo Liviano suppeditet,  
 Rex vero Christianissimus mille quingen-  
 tos lancearios, ac pedestris militiæ decem  
 millia, quibus Robertus de Marca præ-  
 sit,